



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ephesini Concilii Generalis Pars I. Et II. Sub Cælestino papa I. anno
CCCCXXI.

Parisiis, 1644

Ioannis Antiocheni episcopi homilia in Calchedone dicta post homiliam
Theodoreti, vt suos animaret.

urn:nbn:de:hbz:466:1-15062

ANNO
CHRISTI
451.

qualia hæc; num mutauerint gentes deos suos: & quos?
 Et illi non dii. Et quare hæc dicis? Populus meus mutauit
 gloriam suam: vnde nullam vtilitatem accipiet. Hæc &
 de illis congruit dici. Pagani ligna & lapides venerantes,
 vt immortalia, illa salutant. Tu autem illis prædicans ea
 venerari non debere, sed solum verum Deum, qui con-
 stituit montes in statera, & siluas in libra, & metitur manu
 aquam, & cælum palmo, & omnem terram pugillo; qui
 constituit cælum quasi cameram, qui continet rotundita-
 tem omnis terræ, & habitantes in illa quasi locustas: &
 hunc, qui omnia verbo fecit, & vnica momenti inclinatio-
 ne exhibet ea quæ non sunt, vt sint; & dedit his qui non e-
 rant, vt essent, sola voluntate: quasi oblitus horum om-
 nium, passionibus obnoxium facis, & legem ponis vt ado-
 retur Deus passibilis. Et pagani quidem, vt prædictum est,
 * auaritiæ verbo capti, etiam cælum impassibile vocant, &
 solem impassibilem appellant, & stellas immortales sta-
 tuunt, & terram quam calcant, inter deos numerant.
 Nos autem inuisibilem, vnigenitum, incomprehensibi-
 lem, inexcogitabilem, passibilem esse credemus? Absit.
 Saluator noster & benefactor, ne sic apostatæ simus ado-
 rationis tuæ, ne sic ignoremus tuam naturam, ne sic ingra-
 ti simus de tuis donis, ne suspicemur passibilem nostrum
 liberatorem, qui nos e passionibus ad impassibilitatem
 transtulit, & nobis passionibus obnoxii impassibilitatem
 largitus est. Hanc & pro nobis legationem afferimus Deo,
 cui gloria in sæcula. Amen.

If. 40. c. 12.

Rom. 4.
 Passibilis est
 Deus, qui
 hæc omnia
 potest & fa-
 cit: verum id
 non secundum
 se, sed secun-
 dum natu-
 ram assum-
 ptam.

Absit, vt se-
 cundum na-
 turam as-
 sumptam,
 passibilem nõ
 credamus.

*Ioannis Antiocheni episcopi homilia in Calchedone dicta post
 homiliam Theodoreti, vt suos animaret.*

SANCTA lex est, vt patribus accepta ferantur ea quæ fi-
 liorum sunt. *Meus igitur est Galaad, & meus est Manasses:* Psal. 59. v. 9.
 imo non mei sunt, sed Dei, qui vestram cum nostra congre-
 gauit ecclesiam, & hunc pro pietate zelum cum aliis donis
 largitus est. Equidem inter vos ideo surrexi, vt dicendo
 salutarem simul, & valedicerem. etenim vobiscum sumus,
 ad fratres nostros contendentes. Transit enim quocum-
 que vult absq; impedimento caritatis natura. Saluto vos,
 & oro, vt pacem habeatis cum Deo, prius quidem fide-
 les, nunc autem confessores. Quisquis magnas facultates

Concil. Tom. 5.

Yyyy

*Hec adoro-
mitio ponit
Concilio pa-
tres persecu-
tos esse pios
& fideles ;
quod omnino
falsum est.*

possidere censetur, strenue militat & impigre, vt conferuet quæ possidet. Nullus igitur a paterna fide destituat, quam & nos, vt depositum, apud filios deponimus. Respicite ad progenitores, quos neque tormenta, neque mors, neque aliud quid humanum valuit a fidei sinceritate auellere. Porro vobiscum paræ quidem minæ sunt, magna autem merces: paræ passiones, sed coronæ magnæ. Nemo deprædetur depositum vestrum, nempe dogmatum certitudinem: nemo persuadeat, Deum esse passibilem, neque corporis & deitatis naturam vnam. Illa enim per se est diuina substantia; hanc vero, corporis videlicet, suscepit. Idcirco connexionem prædicamus, & non confusionem; vnionem, non contemperationem. Deus hoc per illud, filius hoc per illud; omnia hæc per illud: adoratur cum illo, glorificatur cum illo, & qui cum illo adunatus est inseparabiliter, primitiæ appellatur nostræ naturæ. Hæc seruate, & Deus pacis erit vobiscum, adiuuans vos modo quem ipse nouit: cui sit gloria in sæcula. Amen.

Altera schismaticorum epistola, intempestiue de victoria gloriantium, ad eosdem.

PRECIBVS sanctitatis vestræ datus est nobis accessus ad pientissimum regem nostrum, diuinaque gratia his qui diuersa sentiunt, in certamine superiores facti sumus; quia omnia quidem nostra accepta fuere apud Christi amantissimum regem. Lecta autem sunt oblata ab illis, & quæ visa sunt indigna vt reciperentur, neque vllam consequentiam habebant, reiecimus. Cyrilli enim sursum ac deorsum memores erant, orabantque illum accersiri, vt ipse pro seipso rationem redderet. Vsq̄ue in præsentem diem non obedierunt, sed audierunt quod oporteat sermones de pietate, hoc est, de ratione fidei haberi, & firmatam esse fidem beatorum patrum. Redarguimus & Acacium, qui in commentariis posuerat, passibilem esse deitatem. Quod vsque adeo grauatim tulit pius rex noster, vt excuteret pallium, & retrorsum cederet præ blasphemix magnitudine. Scimus autem & totum confessorium nos valde habere acceptos, quod pro pietate certamus. Visum igitur est pientissimo nostro regi, vt vnusquisque suum sensum exponat, & suæ pietati offerat.